


二藏頌義 十三四十五



3 4 5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2



釋淨土二藏義卷第十三

盧善提
心義

沙門了譽述

狀穢義三

頌曰

四王、忉利、及夜摩、兜率、化樂、自在、天、

初、二、地居、後、四、空、齋、此名、爲六欲天、

義曰、自下、六頌、釋天道也、於中初之一頌、釋欲天也、

次之四頌、釋色天也、後之一頌、釋無色天、并、惣結也、

今即其初、於中初之二句、正、釋六天、自在天、應、宜上、
六次之一句、因、尺依地、後之一句、是其、結文、無標目、
者、但是、頌略、惣言天道、即有其三、所謂三界別、而論、
之、則有二十六、二十七、二十八、三義、欲、無色界、而、無、



1047640

增減於色界中自有十六十七十八不同也至下應
尺言四王者是第一天具云四天王天住須彌半腹
須彌亦名蘿迷盧此云妙高俱舍領云妙高層有四
相去各十千傍出十六千八四二千量上論云三十
三丈住迷盧頂四面各八十千與下四邊其量無別
有余師說周八十千別說四邊各有二万上光記云
論曰至量無別者此師意說既言與下四邊其量無
別准此妙高形如方座外出層級或如下闊處何妨
亦似鼓有余師說至各有二万者此師意說其四層
級漸次郤入侵山體成如第一層兩邊共有三万二

千第二層兩邊共有一万六千足前成四万八千第
三層兩邊共有八千足前成五万六千第四層兩邊
共有四千足前成六万故說山頂而各有二万若據
數量有六十千婆娑正理皆有兩說並昔無評家已
於性相中雖有兩說若據一家大師說其山相疏第
二云此山腰細上闊上此尺同與下四邊其量無別
之文則知此山高八万由旬而腹腰細上下其量同
其闊矣彼山半腹下有四層級一一層級外出曲臨
向下一峯垂第一層級十六千由旬堅首天住第二層
級八千由旬持鬢天住第三層級四千由旬常憍天

住第四層級二千由旬日月星宿處虛空中猶如浮雲終不墮落山之四旁四天王住是故此處名四天王亦名護國天王亦名護法者道士門下謂之四聖謂東天蓬南天猷西翊聖北玄武也所云四天王者東方提頭賴吒此云持國亦云安民住黃金山乾闔婆王此天所部也南方毗樓勒叉此云增長亦云免離住琉璃山鳩槃茶王此天所部也西方毗樓博叉此云廣目亦云惡眼亦云非好報住白銀山諸龍王等此天所部也北方毗沙門此云多門住水精山諸夜叉王此天所部也此天身量一俱盧舍四分之一

也以五百弓爲一俱盧舍一弓四肘也一肘二十四指也然則一俱盧舍四分之一當百二十五弓也日月星辰此天眷屬也問日月星辰是何者耶答俗云日名金烏淮南子云臯善射也堯王時九日並出草木皆枯死御命臯射日射落八之日其落日之形金烏也射其化八之日殘其真一日于今照天下之日是也上又月名玉兔也雪山有草名蕡有十五葉冀是兔皮精兔是兔肉精月是兔骨精月中又有兔山兔緣月影懷姪當知一類兔若依聲聞藏教是諸天宮殿也日輪下面頗映迦寶火珠也能暖熾能暑

照月輪下而頗胝迦寶水珠也能清涼能冷照頗胝
迦寶此云水精但是映徹之形也諸星宮殿亦同月
寶若依菩薩藏數須彌四域經云阿彌陀如來哀愍
迷暗衆生假立極樂清淨光明闇冥世界作大鏡益
寶應聲菩薩作日天子寶吉祥菩薩作月天子已略抄
爰知娑婆世界愚闇衆生辨知_色皆是彌陀三尊
之力假依報中日水兩觀攝迹歸本亦是彌陀依報
相似可見境相無失若是胎金兩部異稱問日月星
宮是幾數量答異說不同若依聲聞藏日輪五十一
瑜繙那百八十里也月輪五十瑜繙那八百里也故俱舍頌云

日月迷盧半五十一五十已上星宿寂小一俱憲舍最
大十六瑜繙那頌疏云日月衆星依風而住繞妙高
山星寂小者一俱盧舍然最大者十六由旬已上若依
菩薩處胎經意日宮五十由旬月宮四十九由旬若
依樓炭經意星最大七百里中者五百里小者二十
里云問一日月奈於一晝夜周十四天下何答日出一
日光照三洲故周行不絕俱舍頌云夜半日沒中日
出四洲等上言北洲夜半東洲日沒南洲日中西洲
日出已下准知問於四季何有日長短答春秋兩際
須彌正中故晝夜齋等也夏冬二時須彌不中謂夏

日周北冬日寄南蓋對五行王方歟又詐好撰云春夏日漸下從半腹下故熟故長秋冬日漸上從半腹上故寒故短月翻之應知已問日無遲疾月有前後是何義耶荅註好撰云日行度無遲疾月行度速於日故有前後又日月行度道於虛空中有三百六十周圍三百万瑜繕那悉經盡之名爲一周行然月一晝夜巡十二道故三十日而逕三百六十道了故三十日名一月也日一日夜但逕一道故於三百六十日中而逕三百六十道了是故取於日一周行一年三百六十日也若取月一周行一月三十日也以日

爲本故於一年中自有十二月也上問何故月輪見圓缺耶答俗云雪山冀草有十五葉自月初一月初一葉開所以月輪漸漸增光乃至月十五日十五葉皆開故月輪圓滿自月十六日一葉初萎故月輪漸漸缺也乃至月三十日十五葉皆萎故月輪無光云若依小乘俱舍頌云近日時影覆故見月輪缺上言火珠近時水珠失自光但火珠外耀故對日輪方而有微光若漸遠日輪漸漸水光顯乃至十五日日行西州月來東州須彌成隣火珠不覆影故水珠自體圓滿白淨自十六日漸漸日近故漸漸水光缺乃至

三十日水火在同處故水珠無光云若依大乘劫章
於月宮中有三十人天子十五人白衣十五人黑衣
自白月初一日白衣天子一人入月宮黑衣天子一
人出故月輪漸漸增光乃至十五日十五人白衣皆
入無一人黑衣故月輪圓明又自黑月初一日黑衣
天子一人入月宮白衣天子一人出故月輪漸漸減
光乃至三十日十五人黑衣皆入無一人白衣故月
輪無光此則非月宮圓缺依光增減見成圓缺云若
依瑜伽論意月輪頗脰迦寶水珠半白半黑故月輪
稍缺自黑輪傍白輪少見乃至十五夜月輪稍夷白

輪具足從十六夜自白輪傍黑輪少見乃至三十夜
月輪稍夷黑輪具足圓缺依於輪之欹夷明昧墮於
月之向背亦非是月宮之圓缺即依彼輪圓之表裏
光有增減見成黑白初十五日名為白月後十五日
名為黑月亦此意耳言忉利者是第二天也此云三
十三天住迷盧山頂於四方有八天住於中有一寶
城名曰善見城喜見故云三十三天縱廣一萬由旬
天帝釋所住也大論云昔有婆羅門名摩伽姓憍尸
迦有福德大智惠與知友三十三人共修福德命終
皆生須彌山頂第二天上三十二人為輔臣摩伽婆

羅門爲天主即帝釋也亦名釋提桓因又名須彌山
王已道曰玉皇儒曰昊天又大毗婆娑論云或名鑠
羯羅或名補爛達羅或名莫伽梵或名婆颶縛或名
橋尸迦或名舍芝夫或名印達羅或名千眼或名三
十三天尊已乃有帝釋千名之謂城內平如掌軟如
兜羅綿以七寶莊嚴城有千門外有四苑一衆車苑
二鹿集苑三雜林苑四歡喜苑彼城東北有毗摩質
多羅樹此云圓成樹縱廣百由旬其華芬馥逕風五十
由旬順風百由旬城北面有鐵樹西南有善法堂
云此天身量半俱盧舍半俱盧舍當二百五十弓已

上二天行媱不異人間云夜摩者是第三天具云須
夜摩亦云炎摩天大經但云炎天此云善時以天光
明無晝夜別故得此名亦云時分天彼天無日月星
辰但以花開合鳥鳴不知晝夜特分故云時分天初
利天上去八万由旬有此天身量當三百六十五弓
行媱纏抱成媱云兜率者第四天亦云兜率婆天亦
云兜支多天此云樂知足夜摩天上去十六万由旬
有此天身量當一俱盧舍全又此天纏執手成媱此
天有四十九院其中有三壇場名曰念佛三昧院即
以大勢至菩薩爲其本尊彌勒菩薩於此日日三時

修菩提行此是兜支多天秘所也云化樂者是第五
天亦云樂變化天兜卒天上去三十二万由旬有此
天身量一俱盧舍余常六百二十五弓也纔笑成婬
云自在天者具云他化自在天是第六天化樂天上
去六十四万由旬有此天身量一俱盧舍半也纔視
成婬云俱舍頌云欲天俱盧舍四分一一增上一一
壽量如前地獄中說頌云人間五十年下天一晝夜
乘斯壽五百上五倍倍增上又云六受欲交抱執手
笑視婬上論云於中初二依地居天形交成婬與人
無別然風氣泄熟惱便除非如人間有餘不淨夜摩

天衆纔抱成婬都支多天但由執手樂變化天唯相
向笑他化自在天相視成婬上又此六天初生之時
童男童女欵然化生第一天如人間五歲乃至第六
天如人間十歲俱舍頌云初如五至千色圓滿有衣
已論云且六欲諸天初生如次五六七八九十歲人
生已身形速得成也色界天衆於初生時身量周圓
具妙衣服又一切天衆皆作聖言謂彼言詞同中印
度已上色界初生以此文可知如是天上有十勝事一飛行自在
二來自在三去自在四無尋五無骨六無便痢七無
疲憊八天女不差九眼不瞬十膚意受快樂也雖然

終遇五衰，悲一衣被染塵埃。二華鬢萎，三左右腋汗出，四臭氣入身，五不樂。本居床也，當窺此相時決定，歸死寂可厭，寂可默。初二地居者，四王忉利，二天地居天也。後四空者，夜摩天已上，四天空居天也。齋此名為等者，是結文也。言初明地居天後，明空居天上來，雖有二居不同廣釋六欲天竟。

頌曰：梵衆梵輔大梵天。如是三天名初禪。
有部大梵攝梵輔。依地同在一處故。
義曰：自下四頌，釋色界天。今此一頌，即釋初禪於中初之一句，是正釋也。梵天、天字應直，三天次之一句。

是結文也。三天三字或應作二十六天，故後之二句舉部師義，無標目。文但是文略。梵衆者，他化天，上而去一倍。百二十八萬由旬也身量半由旬，壽命半劫。二十曾滅梵輔者去梵衆天一倍。六萬由旬身量一由旬，壽命一劫。四十增減大梵天者於梵輔天中央有一臺閣，即是梵王所居之處也。身量一由旬半壽命一劫半。六十曾滅有部大梵等者，此之一天薩婆多師而不別立之，故云色界十六天處所同，故經部師等別立之。故云色界天身量壽命與梵輔異，故此大梵天亦云中間禪言。初禪有尋，有伺，二禪無尋無伺。然大梵天無尋有伺。

故云中間禪是純九夫所居也已上三天初禪畢

頌曰 小淨無量遍淨天 如是三夫第二禪

義曰此之一頌並是釋第二第三靜慮於中初之一句正釋二禪光天天字直上三天次之一句是結文也次之一句正釋三禪淨天天字直上三天後之一句是結文也並無標目亦是頌略小光天者去前梵輔一倍五百十二萬由旬身量二由旬壽命二大劫百六十增減為二大劫也八十增減已下三十天指大劫半名爲一劫言大劫者四十增減而己無量光天者去小光一倍四萬由旬身量四由

旬壽命四大劫三百二十增減名四大劫極光天者亦云光明天去無量光一倍二千八萬由旬身量八由旬壽命八大劫減名八大劫已上三天二禪畢小淨天者去極光一倍四千九十萬由旬身量十六由旬壽命十六大劫一千二百增減無量淨天者去小淨一倍八千一百九身量三十二由旬壽命三十二大劫二千五百六十增減遍淨天者去無量淨天一倍一萬六千三百八十增減身量六十四由旬壽命六十四大劫五千一百二十增減已上三天三禪畢頌曰無雲福生及廣果無煩無熱并善現善見及色究竟天如是八天第四禪

義曰自下二頌釋第四禪於中此之一頌是正釋也
次之一頌舉部師義今即初也於中初之三句是其
釋也究竟天天字直上八天後之一句是結文也八
天八字或應做九十八天故無標目文但是頌略無
雲天者亦名小廣天去遍淨一倍三萬二千七百
量百二十五由旬壽命百二十五大劫增滅福生天
者亦名無量廣天去無雲天一倍六萬五千五百
量二百五十由旬壽命二百五十六劫增滅廣果天
者去福生一倍十三萬一千七身量五百由旬壽命
五百大劫四萬增減於此天中有小高處名無想天無想

有情之所居也果報住處以無別故有部經部俱不
別立然上座部師以純凡夫之所居處例大梵天而
別立之故成色界十八天也上來諸天凡聖雜居但
除大梵無想二天純凡所居故云無煩天者去廣果
一倍二十六萬二千身量一千由旬壽命一千大
劫八萬增減無熟天者去無煩一倍五十二萬四千二身
量二千由旬壽命二千大劫十六萬增減善現天者去無
煩一倍一百四十六萬八千五身量四千由旬壽命四千
大劫三十二萬增減善見天者去善現一倍二百九十五七千
身量八千由旬壽命八千大劫六十四萬增減色究竟天

者去善見一倍四百十九萬四千身量一万六千由
旬壽命一万六千大劫一百二十如是五天名五那
含天亦名五淨居天唯是第三不還果聖人之所居
故已上八天名第四禪若開應名九天

頌曰廣果無想小高處上座部師別開之

是故色界有經上如次有十六七八
義曰此之一頌舉部師義於平初之二句釋上座部
次之二句擇辨三師之異義也無標目文亦是言略
廣果無想等者上座部師從廣果天別開無想天故
第四禪成於九天是故色界有經上如次等者薩婆

多部立十六天以大梵天攝梵輔故初禪二天二禪
三禪各有三天并初成八第四禪中有八天故成十
六天經量部師立十七天梵輔大梵別開立之余如
有部故成十七若上座部師從廣果天開無想天余
如經部故成十八天也故言如次有十六七八部師
異義即當總結故無結文若具足言應云已上四禪
卑於此下應言初釋初禪次釋二禪次釋三禪後辨
四禪上來雖有四禪不同廣尺色界天畢

頌曰空識無邊無所有非非想四無色天
如是須彌千百億名為一大三千界

義曰此之一頌上之二句釋無色天下之二句是揔
結也於初文中上之一句及下之句上之三字是正
釋也空識無邊無邊之言可直空識下之四字是結
文也無標目者是略文也空無邊處天者壽二万劫
識無邊處天者壽四万劫無所有處天者壽六万劫
非想非非想處天者亦云有頂天三有寂頂故壽八
万劫如此四天是無色界四空處也問此四空處天
去色界幾耶答凡言三界次第連欲色無色是一往
義也夫實於無色界別無方處無色形故但是生有
四種不同故且分四天即還可在欲色二界所謂若

死欲界生無色界者即於欲界中感此四天蘊若從
色界沒生無色界者亦於色界中感無色界四蘊也
四蘊者受想行識此界天人於五蘊中無其色蘊故
云無色界也故俱舍云欲界衆生具有三事故名欲
界一者有睡眠故二者有飲食故三者有婬慾故色
界天人有淨妙色身相端嚴故無色界天人無有形
色唯有心故上問既有四處不同何云無形色耶答
設無色形若有識蘊何無四處不同云或可若依大
乘意望欲色二界眼根所見且云無色非無有彼界
果報前色蘊例如鬼雖見人人不見鬼鬼雖見風人

不見風人雖見水鳥不見水各隨果報有見差別故
古師法苑記釋云色微劣故故名無色已上無色界四
空處天畢俱舍頌云色天輪繕那初四增半半此上
增倍倍唯無雲減三比又云色無晝夜殊劫數等身
量無色初二万後後二二增小光上下天大全半為
劫已於此下應云初尺欲六天次舉色十七天後辨
無色四天上來雖有三種不同廣釋成天道竟問如
是六道中夭有無如何答除北洲余皆有中夭故頌
云諸處有中夭除北俱盧洲上間六道業因如何答
惡趣如前久中五戒欲天十善色無色天共禪定也

云如是須彌千百億等者此之二句是狀穢義摠結
文也千百億者三千大千界中有千百億須弥也具
如前云如是三界六道善惡苦樂昇沉人天雖有不
同有爲生涯悉歸磨滅故應狀離法華云三界無安
猶如火宅衆苦充滿甚可怖畏上大經云愛欲染花
不可常保皆當別離無可樂者云大師尺云人天之
樂猶如電光須臾即捨還入三惡長時受苦已上來
三界六道雖殊廣尺成狀穢義竟

頌曰 欣求淨土有十樂

來迎花開及神通

欣淨義

妙境無退引接緣

俱會見佛及供佛

義曰自下一頌半尺欣淨義今即初也於中初之四字是慤標也次之三字是別標也次之三句下並是尺也欣求淨土者往生要集十大門中第二段也彼文云極樂依正功德無量百劫千劫說不能盡籌分喻分亦非所知然群疑論明三十種益安國抄標二十四樂既知稱揚只在人心今舉十樂而讚淨土猶如一毛之沛大海上所言十樂來迎者第一聖衆來迎樂也其相如三輩九品又勸心往生論云夫現世名聞不足爲奇纔起愚夫耳亦飭雅童眼彼獄寧振

秋炎玉責罪鐵札遣名銅柱留駁賢聖冥衆之所見豈非大耻辱耶然彌陀自來迎觀音承掌登十號覺位成三界特尊十界群生之所聞豈非大名聞哉已空華開者第二蓮華初開樂也行者生彼國已蓮華初開時歡喜倍前百千猶如盲者始得明眼亦如邊鄙忽入玉宮龍樹云若人種善根疑即華不開信心清淨者華開即見佛已上神通者第三身相神通樂也身相者三十二相也神通者六神通也龍樹云人天身相同猶如金山頂諸勝所歸處是故頭面禮其有生彼國者具天眼耳通十方並無碍誓首聖中尊

其國諸衆生神變及身通亦具宿命智是故歸命禮
十住妙境者第四五妙境界樂也依正二報見聞覺
知隨意適心也大親云觀彼世界相勝過三界道究竟
竟如虛空廣大無邊際已上淨土無退者第五快樂無退
樂也受樂無窮人天交接兩得相見慈悲薰心互如
一子共經行於琉璃地上同遊戲於栴檀林間云龍
樹云若人生彼國終不墮惡趣及與阿脩羅我今歸
命禮已上引接緣者第六引接結緣樂也人之在世
所求不如意樹欲靜而風不停子欲養而親不待忠
雖眷所瞻力不能冰菽君臣師弟妻子朋友一切恩

所亦復如是若生極樂智惠高明神通洞達世世生
生恩所知識隨心引接云普賢云願我臨欲命終時
盡除一切諸障礙而見彼佛阿彌陀即得往生安樂
國我既往生彼國已現前成就此大願一切圓滿盡
無余利樂一切衆生界已上華嚴無緣尚余况結緣乎俱
會者第十六聖衆俱會樂也小經云衆生生者皆是阿
鞞跋致其中多有一生補處其數甚多乃至得與如是
諸上善人俱會一處已見佛者第八見佛聞法樂也
大經云應時無量尊動容發言笑乃至志求嚴淨土受
決當作佛已又云諸佛告菩薩令觀安養佛聞法樂

受行疾得清淨處上供佛者第九隨心供佛樂也大經云往諸十方無量世界恭敬供養諸佛世尊上小經云彼國衆生常以清且各以衣械盛衆妙華供養他方十萬億佛即以食時還到本國飲食經行上

頌曰第十增進佛道樂

如是狀穢於淨心

復有廣大菩提心齋此淨土揔安心

義曰此之一頌初之一句釋第十樂次之一句揔結狀次第三句是正釋菩提心義後之一句即是揔結揔安心也第十增進佛道樂者往生要集云今此娑婆世界修道得果甚難何者受苦者常憂受樂者常

著云苦云樂遠離解脫若昇若沉無非輪迴雖有發心而修行者亦難成就煩惱內催惡緣外牽或發二乘心或還三惡道譬^如水中之月隨波易動陳前之軍臨刃則還庶子難長菴菓少熟如彼身子等六十劫退者是也唯釋迦如來於無量劫難行苦行積功累德求菩薩道未曾止息觀三千大千世界乃至無有如芥子許非是菩薩捨身命處爲衆生故然後得成於菩提道其餘衆生非已智分蒙子力微身殘刀箭故龍樹菩薩云譬^如四十里水如有人以一升熱湯投之當時似冰滅經夜至明乃高於余者凡夫在

此發心救苦亦復如是以貪瞋境順違多故自起煩惱返墮惡道已上彼極樂國土衆生有多因緣故畢竟不退增進佛道一佛悲願力常攝持故二佛光常照增菩提心故三水鳥樹林風鈴等聲常令生念佛念法念僧之心故四純諸菩薩以為善友外無惡緣內伏重惑故五壽命求劫共佛齊等修習佛道無有生死間隔故華嚴偈云若有衆生一見佛必使淨除諸業障一見尚爾何況常見由此因緣彼土衆生於所有万物無我所心去來進心情無所係於諸衆生得大悲心自然增進悟無生忍究竟必至一生補處

乃至速證無上菩提爲衆生故示現八相隨緣在於嚴淨國土轉妙法輪度諸衆生令諸衆生欣求其國如我今日志願極樂亦往十方引接衆生如弥陀佛大悲本願如是利益不亦樂乎一世勤修是須臾間何不棄衆事求淨土哉願諸行者努力匪懈龍樹偈云彼尊無量方便境無有諸趣惡知識往生不退至菩提故我頤禮彌陀尊我說彼尊功德事衆善無邊如海水所獲善根清淨者迴施衆生生彼國上願共諸衆生往生安樂國於此下應云上來雖有十樂不同廣釋欣淨義畢如是狀穢欣淨心者此之一句是

總結也。言初明，狀穢義後釋，欣淨義上來，雖有二義，不同廣。釋狀欣心竟。

菩提心義

復有廣大菩提心者，此之一句正釋菩提心義。菩提心名言如前已辨。所謂菩提薩埵即是道心義也。又大師釋云：凡言菩提者即是佛果之名。亦是正報。又云：言菩提者即是佛果之名。又言心者即是衆生能求之心。故云發菩提心也。比其義如四弘誓願文。云又要集云：若欲發心作佛者，此心廣大周遍法界。此心長遠盡未來。除此心，菩備離二乘障。若能一發，

此心頑無始生死，有輪惣謂之是願作佛心。亦名上求菩提下化衆生心。別謂之是四弘誓願此心。有緣事生法緣理無緣設。不堪行。猶須發願。其益無量。調達誦六万藏經。猶不免那落慈童。發一念悲願。忽得生兜率。則知昇沉在心。非行。何況誰人無一稱佛無一食施。故願行相應何。爲虛願。如優婆塞經云：若人不能觀生死。咎識涅槃樂。雖復施戒終不得脫。若厭生死。欣涅槃德。雖復少施少戒。少聞即得解脫。又止觀引寶梁經云：比丘不修比丘法。大千無唾處。况受人供。若在四向僧數。修七科僧業。得四果僧利。是人。

能受供若發大乘心求一切智不墮數不修業不得
利益能發受供養衣敷大地食如須彌亦能畢報施主
之恩當知小乘至極不及大乘之初心也已大師釋
云衆生於心趣大不可涉淺發心因自非廣發弘心
何能得與菩提相會唯願我身身同虛空心齋法界
盡衆生性我以身業恭敬供養禮拜迎送去來運度
令盡又我以口業讚歎說法皆受我化言下得道者
令盡又我以意業入定觀察分身法界應機而度無
一不盡我發此願運運增長猶如虛空無處不遍行
流無盡徹窮後際斗無疲惓心無厭足已又云唯發

一念厭苦樂生諸佛境界即滿菩薩大悲願行還入
生死普度衆生故名發菩提心也已大論云新發意
菩薩機解軟弱雖言發心多願生淨土親近諸佛增
長法身十方濟運普利衆生已問聖道淨土發菩提
心云何分別答聖道菩提心願行俱在穢土淨土菩
提心其願在此其行期彼以之爲別云問菩提心者
即是行也故三福中而攝行福然今何云安心云但摠
菩提心者有願行二今約願方故云摠安心云但摠
別名言其義且千或有以三心而爲懇安心以菩提
心而爲別安心之意云已上菩提心義畢齊此淨土

總安心者此是結文言初尺狀放心後尺菩提心上
來雖有多義不同廣明總安心竟

釋淨土二藏義卷第十三

釋淨土二藏義卷第十四

盡雜行義
一八戒義

沙門了譽述

三心義

頌曰一心即三名爲橫

七
三心即一名爲堅

至誠真實治虛假

自利利他俱真實

義曰自下三頌釋別安心於中初之一頌釋至誠心次之一頌釋深信心後之一頌釋迴向心今此一頌即其初也於中初之一句略釋橫三心次之一句略釋豎三心亦是豎三心總標也後之二句正尺至誠心之相也無標目文但是頌略間總者總於別別者別別於總也若余者上總安心至極之時名別安

心歟答不尅揔安心者未趣行門已前通揔欣求之心也今別安心者正趣修行門時橫豎共所發心也故非而揔安心不共行體而發故知別體也彼揔安心者只是欣求樂生心而為三心成下地也例如律中通沙弥而非正沙彌一心即三名爲橫者問橫三心其相如何答上人口傳也橫者本無虛假疑心不迴向三障之者入往生行門之時於願往生一心即具三心也所謂願往生心不歸至誠心也願往生時於自身於佛力不疑深心也運心行願往生當體迴向心也是云一心即三心雖是一心三心差異雖三

心曆曆本願往生一心也三心即一名爲豎者問豎三心其相如何答是亦上人口傳也豎者衆生始入行門時若有虛假心即障往生故佛說一者至誠心時除虛假心具至誠心而未具後二心又說二者深心時除疑心具深心而未真第三心又說三者迴向發願心除不迴向心具迴向心之時正成三心具足行者也如是除三病之時待一二三說具三心而正論心體只是願往生一心也是云三心即一心也一心無差對治病時三心前後此橫三心不次第三心也豎三心次第三心也橫豎雖殊心體是一也先意

可思之間橫豎三心者教證如何荅大經云至心信樂欲生我國已上小經云一心不亂已論云世尊我一心已是橫三心證也觀經云一者至誠心二者深心三者廻向發願心具三心者必生彼國已上是豎三心證也此豎三心經說一十六字大師廣釋已上打半二百餘行此則此宗出離生死大事故也至誠真實等者此之二句釋至誠心於中上之一句正釋至誠心下之一句尺二種真實問至誠心者何心品耶荅大師尺云至者真誠者實已上天台疏云至者專誠者實已是離虛假名聞內外真實心也故大師云不得外

現賢善精進之相內懷虛已上又云不簡內外明闡皆須真實故名至誠心已上自利利他等者大師釋云又真實有一種一者自利真實二者利他真實言自利真實者復有二種一者真實心中制捨自他諸惡及穢國等行住坐卧想同一切菩薩制捨諸惡我亦如是二者真實心中勸修自他九聖等善已上利他真實者教化他之時內外真實教也於自利真實有十重狀欣有三業離合止惡修善委細如大師高判

頌曰

深心信樂治疑心

就人就行無疑慮

云

四重破人三重信

結歸本願正定業

義曰此之一頌釋深心相於中初之一句正釋深心次之一句擇二種信次之四字釋就人立信次之三字釋就行立信後之一句重釋就行立信也深心信樂等者問深心者其相如何答大師釋云言深心者即是深信之心也此即離疑心清淨信也問前後二心不置深名何局第二名深心耶答疑心易起信心難成謂別行人多破往生爲之失信疑怯心起便從輪迴是大失也故別置深言諫其狐疑凡前後二心不爲破人所動亂者依信心功效不云深就人就行等者於此深心有二種信謂機法也於機法信各有廣略合為四段信機略釋者大師釋云一者決定深信自身現是罪惡生死凡夫曠劫已來常沒常流轉無有出離之緣上信法略釋者大師尺云二者決定深信彼阿彌陀佛四十八願攝受衆生無疑無慮乘彼願力定得往生以此信機廣尺名就人立信信法廣尺名就行立信問若余者今何不舉略尺答舉廣顯略或可第一信者光明機本性未論法益故第二信中始分就人就行云四重破人者就人立信中對四重破人成立信相也一異學異見對二地崩

羅漢對三初地十地對四報佛化佛對也此之四重
是所對也行者能對也於中異學異見對自是易知
地前羅漢對大小雖殊共證生空理分段身今將弃
捨故爲三對初地十地對共斷無明同證法空故同
爲一對報佛化佛對勝劣雖異共佛果故合爲一對
此四重人若一若多乃至遍滿十方異口同音言一
切凡夫不得往生而不生疑心是名就人立信也三
重信者是名就行立信此有三重信正雜二行共信
有往生益是一捨雜行入正行正行信有親近德是
重也助正分別助業親近行而猶非本願信定正定業
也

佛本願行也此三重也故知雜行一立信所謂往生信而
已也助業二立信所謂往生信上加親近德也正業
三立信所謂上二信上添本願信也是云三重信相
也結歸本願等者第三重也

頌曰迴向發願狹直差

往相還相大悲首

齊此橫豎三心相

是則名爲別安心

義曰此之一頌上之二句釋迴向心下之二句結別
安心於初之中初之一句正釋迴向發願之別次之
一句即釋往還二迴向義迴向發願等者狹修行體
迴願往生是名迴向雖無運行直願往生是云發願

淨影觀經疏云直余趣求說之爲願狹善趣求說爲
迴向上已問迴向者是何義耶答玄忠釋云九釋迴向
名義謂以已所集一切功德施與一切衆生共向佛
道已上_{詎文}大師釋云迴所修業向所求處已上_{詎文}淨影疏
云迴因向果已意亦全同往相還相等者問往相迴
向是何義耶答以已功德迴施自他往生淨土間還
相迴向是何義耶答迴向生彼還生死境利益衆生
此兩重迴向共爲大悲首故云大悲首又此二迴向
名目在玄忠釋義分亦在大師釋玄忠釋云往相者
以已功德迴施一切苦惱衆生作願生意還相者生

彼國已得奢摩他毗婆舍那方便力成就迴入生死
稠林教化一切衆生共向佛道若往若還皆爲拔衆
生度生死海是故言迴向爲首得成就大悲心故已
准此釋意往相迴向之時迴行人能施也向衆生所
向也還相之時迴菩薩迴入也向衆生共佛道也云
大師釋云過去及以今生身口意業所修世出世善根
及隨喜他一切凡聖身口意業所修世出世善根
以此自他所修善根悉皆真實深信心中迴向願生
彼國是往_{相義}又言迴向者生彼國已還起大悲迴入生
死教化衆生亦名迴向也是還_{相義}問隨喜善根其相如

何答因果經云若有貪窮人無財可布施見他修時而生隨喜心隨喜之福報與施等無異已止觀第七云隨喜者名為慶彼_到如買賣香傍觀三人同薰能化受化及隨喜者三善均等已上買賣香譬在智論三十二問世間少善根應住果報何迴向淨土耶答千福尺云行雖劣弱以後願強資前戒品轉增殊勝與佛願合壽命過長阿僧祇劫已問迴過去善者爲局未酬爲通已酬耶答可通大乘實說善從真如起其善何不歸理故法事讚云近則人天獲報富樂長劫隨心遠則淨土無生刻果則涅槃之常樂已供養舍利感報如

此何善不然法華文句七云權法各有所趣戒善等近趣入天若作緣義低頭舉手遠趣佛果已問并余者何故法華記云應知曾酬者其因已謝未酬者毫善不亡已如何答是指酬近果邊非無至遠果故上文云過去微善願智所制咸趣菩提火燄向空理趣咸滅水流趣海法爾無停已故知智火之烟終登第一義天法水之流咸歸薩婆若海既爾宿善如恒沙往生果何空問依他廻向直出生死耶答或可成薰發之緣云或可直出生死云問今此三心具一具二亦得往生耶答不爾經云具三心者必生彼國已尺

云若少一心即不得生已但大僧正存異義云問具三心者可有不生類耶答不爾大師釋云三心既具無行不成願行既成若不生者無有是處已問三心菩提心爲同爲異答大異少同大異者菩提心先他將期佛果三心先自正期往生少同者俱大乘心同樂淨土故云齊此橫豎二心等者已下二句別安心結文也言初釋橫三心後釋豎三心上來橫豎雖殊廣釋成別安心畢於此下應有安心門總結文而今無之但是文略若有備義應言初釋惣安心後釋別安心上來惣別雖殊而廣釋成安心門竟

雜行三福義一

頌曰 雜行三福世福四

孝養奉事世出世

慈心不殺十善業

二二敬上慈下行

義曰自下三十六頌並釋起行門於中初之十八頌即釋雜行次之十八頌即釋正行標結並無只是文略也於初十八頌中初之一頌即尺世福次之十頌即釋戒福次之三頌即尺行福後之四頌釋十三失今即初之初也於中初之二字是惣標也若唯餘章於是惣標上更可有起行有二一雜行等之句文無略也或可三福全是行門故略起行惣標大師釋云

當修三福者，總標行門。上次之二字三福別標也。次之三字亦是世福別標也。次之二句正釋世福四句後之一句釋敬上慈下謂孝養奉事二敬上行也不殺十善二慈下行也。故云二二於二二上有如次意云雜行三福等者言於起行亦有其二一者雜行二者正行雜行有三福世戒行十一句是也。正行亦二助正二業等是也。今即初雜行也。問何故名起行耶答起心立行故云起行問何故云雜行耶答雜者通義也。選釋云通於人天及以三乘亦通於十方淨土故云雜也。上三福者問何故三福通名福耶答福者

是善且依小乘唯局散善俱舍頌云福非福不動欲善業名福不善名非福上界善不動約自地處所業果無動故上同論第十五云欲界善業說名爲福招可愛果益有情故諸不善業說名非福招非愛果損有情故十二界善說名不動上又於六度中辨三分時第一名福分中間四云道分第六名智分或亦分二業則善五通名福業第六別名智業此時定善亦是福業但今之三福文言唯局散善故當三業中福業也大師釋云散善顯行緣上人云散善十一人已道論之則雜行非但散業而已。有觀察雜行故云

世福四等者大師釋云第一福即是世俗善根。曾來未聞佛法但自行孝養仁義禮智信故名世俗善也。已問何故名世福耶答世謂世俗佛法外儒道兩宗善故名世善也是世法佛法相對名目也。孝養奉事世出世者孝養奉事各有世間出世間世間孝養者自天子以來至庶人以孝一字而爲百行本故知自有天地人民以來孝道著矣。人君之曰善政。人臣之曰忠勤。人子之曰孝行。夫實一道也。譬之河流隨處名異。河水無別故古人云惣之而言則曰之道分之而名則曰之。孝悌忠信仁義禮典已於其中孝行

奉親妻兒事君不廢不坐不遠不怠智十

有二一顏色孝二水菽孝事死如事生七五之廟月四之祭依位隨入其義雖異三日哭三年喪殊須可嘆故孝經云身體髮膚受之父母弗敢毀傷孝之始也立身行道揚名於後世以顯父母孝之終也。又云生則事之以愛敬死則事之以哀戚。史記云家貧親老不擇官而任負重涉遠不擇處而息。上論語云父在觀其志父沒觀其行三年無改於父之道可謂孝矣。上大師釋云若無父者能生之因即閼若無母者所生之緣即母若二人俱無即失託生之地。要須父母緣具方有受身之處既欲受身以自業識爲

內因以父母精血爲外緣因緣和合故有此身以斯
義故父母恩重已聞如今文人子孝行而已可往生
耶答文雖局人子孝可通忠政等舉一顯餘故中品
云行世仁慈上讚云中品下生凡夫等孝養父母行
人信上又餘悉在奉事師長中以彼可知故也云出
世孝養者父母孝養行善非祖儒道釋門亦有此之
勸勸故華嚴大乘說菩薩大戒以孝爲宗故初標云
余時釋迦牟尼佛初坐菩提樹下成無上正覺初結
菩薩波羅提木叉孝順父母師僧三寶孝順至道之
法上涅槃經云奇哉父母生育我等將護我身以此

義故當須報恩隨順供養上又云以佛法僧三事常
住啓悟父母乃至七世皆令奉持乃至自學教人即
名護法者已增一云孝順供養父母功德與一生補
處功德一等已五百問論云父母盲病無人供給得
乞食與半自能紡績與衣食犯罪上問內外孝養同
異如何答外以父爲重續其姓族故內以母爲深念
其苦勞故云又盂蘭盆疏立同異先異者生前侍養
異沒後追思異也侍養異者儒宗則慎護髮腐揚名
後代故樂春不出記云禮記云樂正子春下堂而傷其足數月不出猶有憂色弟子問其故答曰吾聞諸曾子曾子聞諸夫子曰天之所生地之所養唯人爲大父母全而生之子全而歸之可

謂孝矣不虧其軀辱其身可謂全矣君子曾子開步之間而不敢忘孝也是以有憂色已上

曾子

袞

論云論語六曾子有疾召門弟子曰啓予足足啓予

語如鬼上戰戰兢兢如臨深淵如復薄冰而食而後

藏迴邪是謂爲善不同同歸于孝沒後異者有其三

一居喪異儒則安墓留形釋則追齊鷙識二齋忌異儒則內齊外定想其聲容釋則設供誦經資其業報三終身異儒則四時殺命春夏秋冬釋則三節放生施戒益會次同者存沒同罪福同也存沒同者此有五句三句存同二句沒同一居則致其敬儒則別於犬馬釋則舉身七多二養則致其樂儒則怡聲下氣

士多三百四十三尾

溫涼定省等也故有扇床溫席之流釋則節量信毀分減衣鉢等也故有割肉充飢之類三病則致其憂儒中如文帝先嘗湯藥武王不脫冠帶釋中如太子以肉爲藥高僧以身而擔凶喪則致其哀儒有武丁不言子臯泣血釋有目連大叫調御迦棺五祭則致其嚴儒有膺笏釋有餉飯之類也罪福同者儒則係越五刑犯當五擿而恩赦不該釋則名標七逆戒黜七速而阿鼻定入此是罪同也福同者儒則旌於門闈上天之報尺則鑿於戒德淨土之因云奉事者奉事師長也問師與長有何差別答若依大師釋師即

長故持業尺也又靈芝疏云父母生育恩師長教道
恩已但通途云親承名師同伴之中勝者及以家兄
名長故論註云尊者君父師也長者有德之人及兄
黨也已付之亦有二所謂一世間師長二出世師長
也世間師長者教五常六藝等師也出世師者教二
藏二教等師也世間師者奉猶如伯饒出世師者敬
猶如世尊然則轉輪聖王之古尚以身而爲床座無
垢光地之今正於頂戴本師或投身於半偈或割肝
於一句況底下凡夫何不奉事師長乎若又以慈心
爲人說法是真報恩者依之婆須續舌於僧伽念禪

斷命於多羅勝躅在昔慕苦勵今故華嚴云假使頂
戴經塵劫身爲床座遍三千若不傳法度衆生畢竟
無能報恩者已大經云聞法能不忘見敬得大慶則
我善親友是故當發意已大師釋云願我慈悲無際
限長時長劫報慈恩上又云自信教人信難中傳更
難大悲傳普化真成報佛恩已問奉事師長者但可
局世間師言世善者不遇佛法之善根故故玄云不
遇佛法之人雖行孝養亦未有心怖求出離散云第
一福者即是世俗善根曾未聞佛法已如何答世福
雖是舊醫之法已入佛法亦不廢之設入佛法而除

戒行二福以外孝養等善應屬世善故大師釋云教示禮節學識成德因行無虧乃至成佛此猶師之善交力也此之大恩最須敬重比但餘處釋者且從本云不遇佛法也慈心不殺修十善業者選擇集云就此有二義二者初慈心不殺者是四無量心中初慈無量也即舉初一攝後三也縱雖無餘行以四無量心爲往生業也次修十善業者一不殺生二不偷盜三不邪婬四不妄語五不綺語六不惡口七不兩舌八不貪九不瞋十不邪見也二者合慈心不殺修十善業一句而爲一句謂初慈心不殺者是非四無量

之中慈無量是指十善之初不殺故知正是十善之一句也縱雖無餘行以十善業爲往生業也云大僧正具存二義彼九品往生義云不害物命名不殺即是十善中第一戒善也至又釋慈心者是四無量心是菩薩淨土菩薩成佛時成就慈悲喜捨衆生來生其國已上人之釋且依彼釋若一家意未必二義但是合義歟即釋云言慈心不殺者此明一切衆生皆以命爲本若見惡緣怖走藏避者但爲護命也經云一切諸衆生無不愛壽命勿殺勿行杖怒已可爲喻即

爲證也言修十善業者此明十惡之中殺業最惡故
引之在初十善之中長命最善故以之相對也已下
九惡九善者至下九品中次應廣述已又道闍師偏
釋四無量心彼經疏云慈心不殺者緣一切衆生欲
與其樂故名爲慈四無量中慈無量也此心廣大得
無量福能生淨土也已大僧正二釋依此兩師數於
中四無量心義如上菩薩義問四無量心即是定善
今此三福悉是散善何攝彼耶荅唯俱舍論四無量
心依地異說不同論二十九云第三但依初二靜慮
喜受攝故餘定地無所餘三種通依六地謂四靜慮

未至中間或有欲令唯依五地謂除未至是容頑德
已離欲者方能起故或有欲令此四無量隨其所應
通依十地謂欲四根本近分中間此意欲令定不定
地根本加行皆四無量攝故已此第三義許通欲故
無過失耳問四無量心是佛法也應攝戒行二福之
中何舉世福答此義難知或可慈心不殺實非無量
若四無量應攝戒行何屬世福一家大師合說十善
義趣最好世戒行三從淺至深不可亂故四無量釋
恐是未盡但上人引用不簡盡未以有釋故且戴其
義大師無判上人何執慈心之言且有應通無量心

義故舉多釋歟云或可因無量心不能令他實得樂等善阿世耶其勝解想相應起願但是小菩薩等初發行之其行淺故不攝行福其體非剝不可攝於大小戒福故且從淺攝世福中歟若攝世福義在十善一家釋義闍師辨體開合無過俱成一意御廟兩釋吉水二義共依此意云或可慈心不殺體實十善是世福故然仁慈義通慈無量例如孝養父母奉事師長通世出世其中出世奉事師長全_是佛法親近知識若義攝體慈心不殺即十善業若體出義慈心不殺即四無量大師_尺體闍師辨義開合無過俱成一

意御廟吉水體義俱存亦是此意云此十善業轉輪聖王之所說而劫初有之故名世福二二敬上慈下行者上二者指孝養奉事是名敬上行亦云敬田故大師尺云然父母及師長者名爲敬上行也已下二者指慈心不殺修十善業是名慈下行亦云悲田故大師尺云此明世善又名慈下行也已又於慈心不殺有止行二善名所謂或名止善或名行善亦云持善大師釋云即有止行二善自不殺故名止善教他不殺故名行善自他初斷名止善畢竟求除名行善雖有止持二善結成慈下行也已

頌曰 戒福有三三歸戒

翻邪受戒大小乘

具足衆戒有大小

小戒八處別解脫

義曰自下十頌即釋戒福於中初之六頌釋小乘戒
次之四頌釋大乘戒今即初之初也於中初之二字
是總標也次之二字是略釋也次之三字是別標也
次之一句正釋三歸次之一句亦是具足衆戒別標
言衆戒之言義兼大小第四句下正尺此之一句亦
是別標也戒福有三者三歸衆戒威儀指此三句云
有三也大師尺云世善輕微感報不具戒德魏魏能
感菩提之果已又云第二福者此名戒善就此戒中

即有人天聲聞菩薩等戒其中或有具受不具受或
有具持不具持但能迴向盡得往生已問何故名戒
耶答梵云波羅提木叉亦云尸羅此翻淨戒制戒三
業淨得六根故云淨戒亦翻好善好行善道不令放
逸故云好善於此戒福即有六種異名一尸羅能平
險業
故身無熱惱也二妙行昔有稱揚故也三業所作自四律儀防身語
五別解脫受戒各別捺種種惡念戒前恐名爲業故也六業道初念戒躬名爲業三歸

戒等者此有二一齋邪三歸者外道之人初入佛法
歸三寶也二受戒三歸者雖是歸三寶人欲受戒法
之時亦受三歸也於此齋邪受戒各有大小乘大通

三種四種小局理體化相住持云法界次第一云三歸之戒翻邪歸正以爲入聖之根本三衆行者歸宗進行此爲初首也一歸依佛者經云歸依於佛者終不更歸依其餘諸外道諸天神也又云諸歸依佛者終不墮惡道云二歸依法者謂大聖所說若教若理歸依修習也三歸依僧者謂歸心出家三乘正行之律故經云永不復更歸依其餘諸外道大論云念佛如醫王念法如服藥念僧如瞻病人已上略抄問今言翻邪受戒大小乘若余者所云三歸者通諸三歸耶荅不余今局翻邪而通大小非受戒三歸也受戒三歸

具足衆戒一具故別不可舉故大師釋云衆生歸信從淺至深先受三歸後教衆戒已上靈芝云二中三句上句即翻邪三歸凡夫無始繫褐於魔作法歸投希求救護若但受歸有善無戒若受衆戒必兼三歸已但今標翻邪受戒等因三歸言顯多類也問若余者何云三歸戒亦攝戒福耶答經文別說三歸受戒是故今家靈芝並屬翻邪三歸但攝戒福中者翻邪三歸雖非正戒而爲受戒驛引若不受翻邪無由受戒故若剋體者非是戒善戒善發支翻邪三歸不發已七支故處中善也又下文言戒福者非今翻邪是受戒

三歸也此乃能發所發各別舉之故無過云具足衆戒有大小者大師釋云言具足衆戒者然戒有多種或三歸戒或五戒八戒十善戒二百五十戒五百戒沙弥戒或菩薩三聚戒十無盡戒等故名具足衆戒也又一一戒品中亦有少分戒多分戒全分戒也比小戒八處別解脫者一優婆塞戒二優婆夷戒三十六戒四近住戒五沙彌戒六沙彌尼戒七比丘戒八比丘尼戒也

頌曰近事男女具五戒
不行邪婬不妄語
第五即是不飲酒

義曰此之一頌釋五戒也於甲初之一句是其標也後之三句是正釋也無結父者亦是文略近事男女等者梵云優婆塞新云鄒波素迦此云近事男梵云優婆夷新云鄒波斯迦此云近事女問何故在家二衆云近事男女耶荅光記云親近修事諸善法故謂彼身心揜^{カツ}背善法故名鄒波素迦有餘師說親近承事諸善士故復有說云親近承事諸佛法故已亦如次名清信士女此之人者受於五戒不殺生命者大師釋云然殺業有多種或有口殺或有身殺或有心殺言口殺者處分許可名爲口殺言身殺者動身手

等指授名爲身殺言心殺者恣念方便計拔等名爲
心殺若論殺業不簡四生皆能招罪障生淨土但於
一切生命起於慈心者即是施一切衆生壽命安樂
亦是最上勝妙戒也比所簡四生知一切生是人生
命不偷盜者新云不與取即是不取四錢已上之物
也不行邪婬者新云欲邪行此有四非一非墳謂未
開少女月水懷姪持齊之女及淨戒尼并他妻等諸
不可犯境也二非道謂行婬男子等諸不可犯道也
三非處謂堂塔僧坊佛前經畔日月星光深山曠野
塲間道路等諸不可犯處也四非時謂六齋日十齋

日八玉日等諸不可犯日時也不妄語者不大妄話
也第五即是不飲酒者不飲酒過多而狂亂也

頌曰

不得非時加上五學法女受六法戒

近住八戒不上床

歌舞觀聽脂粉塗

義曰此之一頌釋六法戒并八戒齊於中初之二句
是六法戒後之二句是八戒也不得非時等者五戒
之上加不非時食名學法女六法戒也但爲十戒下
地先學六法故勝前近事戒亦不違沙弥戒中五法
也依之五戒中不行邪婬今持不染污摩觸五戒之
中不與取者四錢已上今持不盜針錢前不殺人生

命今持不斷畜生命前不大妄語今受不小妄語前
不飲酒過多今持不飲酒此上加不過中食戒名六
法也學法女者梵云式叉摩尼此云學法女亦名正
學六法正學此六法故也近住八戒等者問何故名
近住耶答光記云梵云鄖婆沙唐言近住近住者婆
娑一百二十四云近阿羅漢以受此律儀隨學彼故
有說此近盡壽戒住故名近住有說此戒近時而住
故名近住已今經說日日如是授王八戒上一家高判
同光記第三義敷釋云餘戒下稍寬特節長遠其八戒
者如餘佛經戒善說在家人持出家戒此戒持心極

細極急但意然者但時節稍促唯限一日一夜作法
即捨已問四分成實及諸大乘等說八戒延促不定
何依唯限一日名近住戒耶如優婆離授於八戒為
獵者授於夜戒為婢女者授於晝戒短既有乏長何
無乏又智論云菩薩必生都率天其壽延促不定故
如八戒齋時節延促不定已余者如何答於八戒特
節大小乘中異說不同也十誦毗曇十善戒經等皆
云無延促唯一日夜今經亦云日日如是既云日日
知限一夜故大師依十善戒經說釋今經日日父故
靈芝云八開齋戒唯局一日一夜故遂日別受即多

宗所許若准成論延促不拘比八戒者付之有八戒
齋與八齋戒二義一家大師且依用八戒齋義八戒
齋者八戒及齋食成九法也序分義云如戒文中具
顯云佛子從今且至明且一日一夜如諸佛不殺生
乃不偷盜不行婬不妄語不飲酒不得脂粉塗身不
得歌舞倡伎及往觀聽不得上高廣大床此上八是
戒非齋不得過中食此一_是齋非戒已_是亦依於十
善戒經彼說云八戒齋者是過去現在諸佛如來爲
在家人制出家法一者不殺二者不盜三者不婬四
者不妄語五者不飲酒六者不座高廣大床七者不

作唱伎樂故往觀聽八者不著香薰衣九者不過中
食已成論智論亦同之於八戒齋中一二三四五通
於道俗餘四與齋唯局出家故云爲在家制出家法
若依八齋戒義齋入八數合塗飾香鬢與歌舞唱伎
故是俱舍婆娑等意也俱舍論云合莊嚴處止八無
餘故云八齋戒已婆娑一百二十四云離塗飾香鬢
與離歌舞唱伎同於莊嚴處轉故合立一_是已又俱
舍十四云一殺生二不與取三非梵行四虛誰語五
飲諸酒六塗飾香鬢歌舞觀聽七眠坐高廣巖麤床
座八食非時食已或又不上床與不塗飾香鬢合爲

一
支雜心論十云若九支者不然何以故離高大床塗身香華共立一支俱莊嚴處起故如若死立一下有支已上大師釋云又此戒佛說有八種勝法若人一日一夜具持不犯所得功德超過人天二乘境界如經廣說已上十善戒經云此受齋功德不墮地獄不墮餓鬼不墮畜生不墮阿修羅常生人中改見出家得涅槃道若生天上常生梵天值佛請法得阿耨菩提比問齋戒散善何生梵天答涅槃經云孝養父母報在梵天已上章安涅槃疏云數人明因散善之力發菩提定故生上界論人散善直生上界已上數人者薩婆多宗論人者

成實宗也世善既尔戒福准知

釋淨土二藏義卷第十四

釋淨土二藏義卷第十五

盡失

沙門了譽述

雜行義二

頌曰勤策男女十戒時

歌舞塗飾開為二

第十不受畜金銀

齊此通受齋食法

義曰此之一頌釋沙彌戒於中初之一句是其標也
次之二句正釋十戒第四一句是結文也勤策男女
等者梵云沙彌此云勤策男是出家小男也梵云沙
彌尼此云勤策女是出家小女也問何故云勤策耶
答勤自勤行策爲大僧之所策勸策之勤故依主釋
也或可勤勤已善策策比丘戒行所謂小者事於大

者令全戒行勤是自己策是他人勤及策故相違尺
也言十戒者於八戒中塗飾香鬘歌舞觀聽開而爲
二成九故云歌舞塗飾開爲二也加不受畜金銀等
寶成十故云第十不受畜金銀是依俱舍論等即成
八戒與十戒也或又八戒及齊即成九法更加不捉
金銀生像即成十數故云第十不受畜金銀是依成
實智論等即成八十一家釋義准此意也問何故一
家必依成實論等荅說八戒之名成實論及十善戒
經全同今經故也問云何全同荅若同俱舍婆婆雜
心論等應云八齋戒若依十善戒總智論成論可言

八戒齋今經既云受持八戒齋中生品故知此經同成
實等云問若爾者今何同俱舍等云歌舞塗飾開爲
二耶答舉諸說故舉一家釋外况四分十誦等本律
多同俱舍等故且舉之云齋此通受齊食法者六法
女八近住十勤策皆受齊食故云通受云

頌曰 四重不定及僧殘 捨墮懺悔并修學

減諱提捨惣合論

二百五十比丘戒

義曰此之一頌釋比丘戒於中初之三句是其正釋
後之一句是其結也無標目者但是頌略四重四不
定二僧殘十三捨墮三十懺悔九十修學百減諱七

提捨四故成二百五十戒委可見戒本云問何故名比丘耶答梵云比丘新云苾蒭此是西國之草名也此土無故翻譯亦無宗門千字文註云苾蒭西國草名含五義之名而不譯一體性柔軟喻出家能折伏身語兼廣二引蔓旁布喻傳法度生延綿不絕三馨香遠聞喻出家戒德芬馥為衆所聞四療疾病喻出家能斷煩惱毒害五常不背日光喻出家人常見光明所以比丘得以此草為喻而稱為苾蒭種之後裔也上若用義翻應號乞士又比丘二生有之一肉身是初從父母生二戒身是後從戒檀生云比丘尼名

義以之應知

頌曰倍此五百比丘尼

若依戒本三百餘

齊此處處解脫戒

不許懺重聲聞律

義曰此之一頌上之二句釋乞士女戒下之二句摠結小戒女過倍男故云倍此五百但化教雖出五百雜律藏文只是三百四十八戒也謂波羅夷八種僧殘十七尼薩耆三十單墮一百七十八提捨尼八衆學百滅誣七故云若依戒本三百餘也私頌云夷罪尼
尼薩耆罪有二十單墮一百七十提捨尼八處處

解脫者同別解脫不許懺重者小乘戒不許波羅夷

懺悔也。示已上小乘戒畢。

頌曰 大乘菩薩三聚戒

攝善法口如是說

攝律儀身如是作

饒益生意如是教

義曰自下三頌半尺大乘戒於中初之二頌尺三聚淨戒次之一頌尺十重六八後之二句結大小戒今即初之初也於中初之四字是揔標也次之三字是別標也後之三句並是正尺三聚淨戒天乘菩薩三聚戒等者問三聚淨戒者其躰如何答一攝律儀戒者止一切惡也三業門時即身業也三身門時是法身也若委分別之則是亦三業所持律儀也攝論云

律儀戒應知二戒建立義是二戒因故謂若防身語意者便能無倒修習一切清淨佛法又能成就一切有情令入三乘上文中律儀戒憊知者五八十具等諸律儀戒皆攝此中也二攝善法戒者修一切善也三業門時即口業也三身門時是報身也若細分別者此亦有三業善行攝論云修習力無畏等又修供佛等善根已八万四千諸妙法曼旨攝此止三饒益有情戒者利一切衆生也三業門時即意業也三身門時是應身也若亦委細而分別時此亦有三業利益衆生事攝論云令入三乘捨生死苦諸涅槃終上

憇一切利樂有情事皆攝此戒中此之三戒各集方法故通云聚又三聚中一戒具三發菩提心誓約佛道修行佛道一切佛法通名攝律儀戒發菩提心修行善法開演善法一切佛法通名攝善法戒發菩提心化諸衆生令入佛衆一切佛法通名饒益有情戒若得一戒具三無闇設受三戒不改一法三而非三一法恒宜一而非二三法宛然當知此戒圓融無碍甚深秘法過現末佛常誦此戒自受法樂是故此戒名心地戒且是非薩戒儀於此戒中有二傳授戒者昔菩薩戒儀蓮華臺上盧遮那佛爲自眷屬自受法樂誦此心地

金剛寶戒然我本師靈山淨土釋迦牟尼如來大和尚及妙海王并一千王子同聽受此戒今復從釋迦如來阿逸多等二十余菩薩次第相承復次南岳慧思禪師爲靈山聽衆而來生東夏誦出此戒以紫衣表法儀授天台智顥禪師章安智威乃至傳教慈覺長九條即表法儀授天台智顥禪師章安智威乃至傳教慈覺長意乃至良忍寂空源空乃至定慧已上二十二代傳衣傳戒嫡法嫡弟次第相承二發得戒者依此相傳戒所發得戒也云

頌曰此三如次法報應 自性所具理智悲

義曰此之一頌重釋三聚義當結文於中上之三句

一得已後求無失

即釋其軀下之一句即釋其益此三如次等者正釋
三軀自性所具等者即顯其相亦是一體者即示其
用又每一句各有此體相用三云一得已後求無失
者本有色心故永無持犯也但得者且佛果已滿從
事而說也云

十重禁戒四四重

不醉不談不自讚

四十八輕具如經

義曰此之一頌上之三句釋十重禁下之一句釋六
八輕於上三句中初之四字是其惣標次之三字及
次之二句是正尺也無結文者是頌言略於後之一

色中初之四字亦是惣標唯標無尺故云具如經經
者梵綱十重禁戒者問何故云十重禁戒耶答梵云
波羅夷此翻重亦云無余於諸罪中此之十重故云
十重十即重故持業尺也此之十重佛所禁戒十重
即禁戒亦是持業尺重罪至極故云無餘四四重者
十重初四全彼四重故云四重非是大乘所尺四重
已下二句舉六重也十重所謂一不快意殺生二不
劫盜人物三不無慾行欲四不故心妄語五不醉酒
罪緣六不談他罪過七不自讚毀他八不憚生毀辱
九不瞋不受謝十不誹謗三寶也此十重亦云十無

盡戒心無盡故云問十善初不殺生業十戒初不殺生命戒今十重初不快意殺生命戒同異如何答十善十戒聊以無違但業與戒淺深有異所謂十善是處中善而非戒行十戒即是戒善具足若用客戒亦以無別又十善局兼十戒通細十戒十重大道大異所謂小戒以自爲先全譏殺生故若有殺即名破戒大戒以他爲先且禁殺生若以利益殺生名三殺多生戒制快意二字意爲先可知以爰踰伽論云意樂善故生多功德已自余九重唯分別四十八輕具如經等者問何故此戒名輕戒耶答梵云愛吉羅此

云輕垢罪輕十重故云輕垢文相廣多故略之也今取略明戒相所謂不敬師長戒飲酒戒食肉戒食五辛戒葱蒜薑薺薑薺薺薺不舉教懺戒住不請法戒不能遊學戒背正向邪戒不瞻病苦戒畜殺生具戒經云如是十戒應當學敬心奉持下六品中當廣明上通國使命戒惱他毀賣戒無根謗毀戒放火損生戒法化違宗戒貪財惜法戒依勢惡求戒虛僞作師戒闡誣兩頭戒不救存亡戒經云如是十戒應當學敬心奉持如減罪品中廣明一一戒相已不忍違犯戒慢人輕法戒輕慢新學戒怖勝順劣戒爲主失戒領賓

違式戒受他別請戒自別請僧戒邪命養牙戒詣親
害生戒經云如是十戒應當學敬心奉持如制戒品
中廣解已不救尊尼戒橫取他財戒虛作無義戒退
菩提心戒不發願戒不生自要戒一子與友不拂行
三不受信施百味四不受房舍五不受信心禮拜
六不視好色七不聽好聲不貪餽詣香八不受淨食
九不貪好觸十不一切衆生悉成佛此之願皆以破戒身口口等言置三十願之上故入難
處戒坐無次第戒不行利樂戒經云如是九戒應當
學敬心奉持梵檀品中當說已攝化漏失戒惡求弟
子戒非處說戒戒故違聖禁戒不重經律戒不化有
情戒說法乖儀戒非法立制戒自破內法戒經云如
之云

是九戒應當學敬心奉持上問何故小乘飲酒爲重
大乘戒中酷酒爲重荅小乘教中以自爲先故以飲
酒爲重戒也若大乘教以他爲先故以酷酒而爲重
戒此則酷酒令人狂亂故無慈悲也飲酒自過無他
過故入輕垢罪何況祇陀末利唯酒唯戒太子支論深可惡

之云

頌曰如此八百五十餘

大小合論淨尸羅
不犯威儀有大小

八万三千如次知

義曰此之一頌上之二句是衆戒結下之二句正釋
不犯威儀戒也於中初之一句標衆戒數之之一句

結是大小第三之句。標戒福中第三之行第四之句。
即釋大小威儀之數。謂大八万小有三千。故云如次
八百五十餘者三歸戒。三近事男女各有五戒合。成
於十。并前三歸即是十三合。六法戒成一十九并。八
戒即成二十七勸策。男女各有十戒。并前即成四十
七比丘與比丘尼。即有七百五十戒都合小乘戒。而
有七百九十七也。又三聚戒與十重禁合。成十三并
於四十八輕戒者都合於大乘戒中。而有六十一也。
此中以三足小戒之七百九十七。即成八百所殘。大
戒五十八也。若八戒齋時成九種而成立五十九不滿。

六十種故大小揔合云八百五十餘也不犯威儀等
者小乘三千威儀六万齋行大乘八万威儀無量齋
行威儀威嚴儀者儀容即是去來進止設也大師尺
云言不犯威儀者此明身口意業行住坐卧能與一
切戒作方便威儀也。若輕重兼細皆能護持犯即悔
過故云不犯威儀此名戒善也。已法界次弟一云三
千威儀八万律儀大聖從鹿至細制戒。已六卷抄云
形居世累必假威儀障蔽塵深勿過衣服有三衣一
安陀會即是五條名下衣亦名院內道行雜作衣。一
襪多羅僧七條名中衣亦名入衆衣三僧梨九條。

名大衣亦名入玉宮聚落衣比天台疏云一犯威儀者三千悉皆不斂也比靈芝疏云威儀亦戒輕細人多復犯故特標簡比又有異說淨影云具足衆戒不犯威儀出家戒也不犯四重名具足戒離餘輕過說爲威儀又離性罪名具足戒謂離一切殺盜婬等離餘過名不犯威儀謂離一切飲酒過等已上大乘戒畢初釋小戒後辨大戒上來雖有大小不同廣釋成戒福竟

頌曰行福有四菩提心
大師別開立心福
頌曰深信因果世出世六九四聖是十界

義曰自下三頌即釋行福於中初之一頌釋發菩提心深信因果二句次之二頌讀誦大乘勸進行者二句今即初也於中初之二句釋菩提心次之二句釋深信因果於初二句中初之四字是惣標也次之三字是別標也次之一句正尺菩提心於次二句中初之四字亦是惣標次之三字正尺深信因果後之一句重亦細次二種因果於六凡上應有如次意謂世六凡出世四聖於發菩提心及深信因果各無結文亦是頌略行福有四等者大師尺云第三福者名爲行善此發大乘心凡夫自能行行兼勸小緣捨惡

持心迴生淨土上問何故名行福耶答世福者非出離行戒福止善而不行善故不名行第三福者大乘行善故局得名或可世戒二福有其別名於第三福無其別名故以揔名爲此福名此則揔屬別名而已例如生般之中三人有行無行共有別名故以初人而名生般善提心大師別開等者大師開三福而爲西一孝養父母乃修十善業二受持三歸乃至不犯威儀三發菩提心四深信因果乃至勸進行者也問何故經說三福大師別開菩提心福而爲四重耶答菩提心者大乘經要無上佛道以之爲主爲知此義於行

福中而別開之委細如傳通記或可菩提心者通心行故歟云問發菩提心其相如何答發菩提心諸家不同如天台宗藏通別圓內教菩提心如花嚴宗推理推事二種菩提心如真言宗勝義行願三摩地三種菩提心三論法相各有菩提心彼等行人此土得道極難期故歸淨土門諸宗菩提心即是淨土宗三福之中行福第一發菩提心具如上之揔安心中云問疏第四卷所尺菩提心今三福中菩提心同異如何答彼此菩提心雖無差別彼別局淨土菩提心此揔通二門菩提心故知是揔別有小異云深信因

果等者大師尺云若作苦因即感苦果若作樂因即
感樂果如似以印印涅印壞文成不得疑也已付之
即有六凡四聖十界因果六凡名爲世間因果四聖
名爲出世因果問十界因果其相如何答諸不善業
放逸爲主爲地獄因等活等之八種根本地獄等煩
熾增等四四十六近邊地獄及以處處孤獨地獄即
是果也諸不善業慳貪爲主餓鬼道因無財等三內
障等三即是果也諸不善業愚癡爲主名畜生因禽
獸等七羽毛等四即是果也然諸不善業惱憊爲主
名脩羅因大小脩羅即是果也又諸散善業五戒爲

主是人道因北欝單越等是其果也又諸散善十善
爲主欲天之因又諸禪定是上天因四王等六梵衆
天等二十天等如次果也四諦觀等是聲聞因三道
四果是其果也十二因緣即緣覺曰獨覺菩提是其
果也六度万行是菩薩因百萬僧祇得成佛等是其
果也九界所行一乘爲主是佛界因頓解速開聖自
然悟道淨土是其果也問菩薩與佛是因果別因名菩
薩果號佛界今何爲二答諸三車宗誠如所言然四
車宗中亦以不然多劫行願雖言是因亦雖言果俱
是一界菩薩乘也不經階次方善同歸佛因佛果一

佛乘也故知漸教經劫成佛雖且名果只是菩薩極聖位也若望佛界亦是菩薩乘也若入佛乘鷲囑調達不改殺達三從五障不脫^第塔穀一念頓悟立地成佛何況九界種種妙行一華供散一稱南無即是佛因即是佛行當位即妙不改本位當當位位即是佛果云故經說言救療三苦濟諸處難已上善立方便顯示三乘深入菩薩法藏已上得佛華嚴三昧分別顯示真實之際受持如來甚深法藏護佛種性常使不絕已上尋云當宗之意可許十界互具義耶答可忝大師釋云無塵法界凡聖齊圓兩端如如普設含

識恒沙功德寂用湛然已

頌曰讀誦大乘五法師

受持讀誦解脫書

說

亦有十種如法行

書寫供養及流傳

義曰自下二頌初之一頌及次三句正釋讀誦第四一句即釋勸進今即初也於中初之四字是擇標也次之三字是別標也次之一句是釋五種法師行也第三之句亦是別標後之一句及後三句正釋十種法行相也讀誦大乘等者大師尺云此明經教喻之如鏡數讀數尋開發智慧若智慧眼開即能厭苦欣樂涅槃等也上又云戒即能持五乘三佛之機法即

薰成三賢十地万行之智慧若以德用來比授者各有一能已問讀誦者是何義耶答大僧正尺云對文名讀離支繙誦已所言五種法師出法華經十種法行出天王間般若經說於五種法師中五具於五四具於四三具於三二具於二一一只受持一行而已初受名受信力憶持曰持於對文曰讀諸誦名誦解義云解宣說云說筆轉曰書成字曰寫若依智論分受持與解說而各爲二除書寫行名六種法師於十種法行中初九是別第十是惣云問經云讀誦今何舉五種法師十種法行耶若選擇集云五種法師之中

舉轉讀諳誦二師攝受持等三師十種法行之中舉披讀諷誦二種法行攝餘書寫供養等八種法行已故經云歡喜信樂受持讀誦如說修行已又云是故應當專心信受持誦說行已又云是故我法如是作如是說如是教應當信順如法修行又云汝持佛語說是觀地法已又云汝等憶持廣為大衆分別解脫已又云不必受持讀誦方等經典已又云汝當受持無令忘失已又云汝等當信是稱讚不可思議功德一切諸佛所護念經已又云聞是諸佛所說名及經名者已尋云若約五種法師初是受持終書寫也

若約十種法行初即書寫終是修行若余者或初或終而乃舉之可略餘也然今何非初非終舉讀誦行令知餘者答受持寂淺書寫是深讀誦兼二故舉其中令知淺深或可五種法師之時暗誦是第三也十種法行之時披讀是第五也故知舉其說中間之行令知前後也或可五種等中讀誦最勝故生上上舉其勝行令知劣行所謂讀誦妙行既勝解第一義行况書寫等乎其義如下九品義中說云問大乘經者是幾數耶荅且案真元入藏錄小乘經數六百八十五卷小乘律數四百四十一卷小乘論數六百九十五

卷也而今所言大乘經者六百三十七部二千八百八十三卷大乘論五百卷也佛意廣指一代所說諸大乘經也問淨土三經亦可攝在六百三十七部之内若余皆此是正行讀誦助業也何云雜行耶答惣攝一代受持讀誦故云雜行也尋云此中衆生若有二人受持讀誦但三部經不雜餘者可名正行耶答闕也今所釋者雜行多故順多云雜道而論之三福九品行因開合故下三品念佛妙行合第三福大乘意義一家釋義分明者乎云
頌曰 諦聽披讀并憶持 廣談諷誦及思惟

第十法行名修行勸進行者亦不同

義曰此之一頌上之三句續前第四句釋十種法行下之一句正釋勸進行者行也唯有其標而無釋結即是文略勸進行者者誘引諸人令修事理種種善法如上奉事師長中說但上者奉事弟子業也今者師長師勸化也云大師釋云苦法如毒惡法如刀流轉三有損害衆生今既善如明鏡法如甘露鏡即照正道以歸真甘露即注法雨無竭欲使含靈受潤等會法流爲此因緣故須相勸上已上行福單大師釋云又就此三福之中或有一人單行世福迴亦得生

或有一人單行戒福迴亦得生或有一人單行行福迴亦得生或有一人行上二福迴亦得生或有一人行下二福迴亦得生或有一人具行三福迴亦得生或有人等三福俱不行者即名十惡邪見闡提人也已問三福之外無雜行耶答不柰選擇集云雜行無量不遑具述今翻對五種正行略明五種雜行云云頌曰雜緣亂動失正念與佛本願不相應

與釋迦教相違故不順證誠佛語故

義曰自下四頌正尺雜修十三失也今即其初然無標目只是文略雜緣亂動失正念者問失意如何答

德中而言無外雜緣得正念故翻彼得意之時正行
之外是名為外雜謂雜行外即雜故名爲外雜是持
業尺也所謂緣者行教人處之四緣也言行緣者雜
行名緣失正念緣故言教緣者勸雜行教言入緣者
修雜行入言處緣者修雜行處前一雜行即緣故持
業尺也後三雜行之緣故依主尺也或可言雜緣者
造像起塔供佛檀施等諸事奔波之緣也故樂天云
作福畏奔波已即其義也問依奔波緣失往生念念佛
之人亦可有之何偏云雜行失耶答行躰無土木
等經營奔波緣然依別雜緣動亂正念是機失而非

行失與佛本願不相應者所言本願者彌陀如來五
劫思惟生因本願唯在念佛然修非本願行不相應
彼佛本願也此義雖通三經源大經意也與釋迦教
相違故者釋迦文佛說往生法懃懃叮嚀唯在念佛
違彼勸化而修雜修相違大師釋迦教也此義雖廣
該一代正通三經專是觀經付屬文意難云三輩九
品多勸雜行何云與教相違耶若有雜行機故雖說
往生非彌陀本願故亦非釋迦本意也以非本意故
云與教相違也故大師尺云上來雖說定散兩門之
益望佛本願意在衆生一向專綱彌陀佛名上人

釋云隨他之前雖且開定散門隨自之後還閉定散門等上不順證誠佛語故者六方諸佛於念佛行舒舌證誠言汝等當信是稱讚不可思議功德然若修雜行不順諸佛證誠實語故云不順佛語也此義之意亦雖通三經偏是彌陀經文也耳已上四失是翻四得

頌曰初一係念不相續念念憶想間斷故

迴願不慇重真實貪嗔煩惱來間斷

義曰此之一頌即釋四失初一係念不相續者若修雜行行餘法故其念不係極樂境界故云係念不相續也念念憶想間斷故者若修雜行行餘法故其想

間斷不想極樂故云憶想間斷也然係念者擧制餘緣住心淨境言憶想者一住境已念念起行相續不忘取淨境相此乃於一行中初名係念後名憶想故上云初一下云念念如經說言汝當係念諦觀彼國比又云係念一處想於西方比或可言係念者欣求之心言憶想者起行之心迴願不慇重等者問心迴不廻依志有無何局雜行偏云迴願不慇重等耶答若修雜行行躰自疎非極樂故業果參差迴向發願亦不真實例如隋願往生經云十方淨土實無差別令諸衆生專心有在貧賤煩惱來間斷者具云貪嗔

諸見煩惱來間斷故若修正行貪嗔諸見不來間斷今修雜行諸煩惱心來間斷也問於貪嗔等起不起者不必依於行之正雜若有善心者設雖餘善煩惱可微薄若無道心者雖行念佛惑豈不來間耶答會有一義一云依觀佛經六辭之意念佛不為煩惱所染是故二人雖同起惑染與不染豈無德失二云今言貪瞋煩惱濁也言諸見者是見濁也俱舍論云惱濁捐在家善見濁捐出家善在家善者造像寫經供佛檀施等也而末世俗人貪著財寶不行此等善出家善者四諦十六行相觀法等也而惡世比丘邪智

惡見盛起觀心不當正理今驗諸雜行不出事理二善將住理觀諸見競起欲修事善貪嗔由生至念佛者不須財寶貪嗔故不起不用觀法諸見故無發故樂天云予年七十二不復事吟哦看經營費眼力作福畏姦波何以度心眼一聲阿彌陀行也阿彌陀坐也阿彌陀縱饒忙似鑽不廢阿彌陀日暮而邇遠吾生已蹉跎背勸法界衆同念阿彌陀達人令可笑多却阿彌陀達人作懲摩不達又如何且暮清淨心但念阿彌陀已得失之間默上當知云
頌曰 無有慚愧悔過心 不相續念報佛恩

卷之五
心生名利相應故 人我自覆不近師

義曰此之一頌即釋四失無有慚愧悔過心者問無
慚無愧是機失也何云雜失答修雜行時煩惱雖起
行中起感微細難弁不知其過無懺悔心此乃釣鑠
上失有此失也云或可若修正行常修懺悔故西河
釋云一念既余况修常念即是恒懺悔人上般舟讚
云念念稱名常懺悔已今修雜行即不如是云或可
於雜修中若修理觀而觀我心_{善質}自空罪福無主觀心
無心法不住法故於所犯罪障曾無懺悔心之者亦
應有之是云惡取空者故此機失還成教罪福無主

之行失也難云若聞念佛惡人往生之行思惡業無
過之愚人亦應有之若余者此之機失還不成行失
耶如何答念佛無惡業無過教刺本願文抑止唯除
重罪而違此願起無過想偏是機失非行失也云不
相續念報佛恩者若修正行時機相應利益偏故正
順佛意名真報恩故經說云自信教人信難中轉更
難大悲傳普化真成報佛恩已教益異他報恩有在
辭如文王代好文之子令喜父心也今修雜行非教
益背故不名真報佛恩也問是何佛恩耶答正是弥
陀本願重恩也惑可釋迦勸化大恩也或可二尊恩

也或可應通三佛云心生名利相應故者具云心生輕憮與名利相應故若修雜行或念身有戒定慧學或起貴已等佛見故若生憮舉若起名利此失還成行躰失也間正行之人何無名利若正行行人起名利者即是機失不關行失人我自覆不近師者具云人我自覆不親近同行善知識故若修雜行益起佛越祖等故心懷高憮不求知識等也

頌曰樂近雜緣障正行此上雜修十三失

未必一一行直之万行不出此十三

義曰此之一頌初之一句釋第十三失次之一句結

詔

十三失後之二句釋失通局樂近雜緣障正行者具云樂近雜緣自障障他往生正行故若修正行離雜行緣故不障正行若修雜行樂近雜行故妨碍正行或可若正行者離俗務故不障往生行若雜行者樂近世緣故障往生行也已上九失得亦翻之問第一失與今第十三同異如何答上行體自雜緣亂動失也今依行失引起機樂欲是亦弥成行失故云樂近又上云失正念是約自心也今言障正行是約行也又上但云失正念是約自心今云自障障他是淺深狹寬之異也未必一一行有之等者今此十三失不宜一一雜行

或一或二乃至十三多少不定故云未必斯乃雜行爲一方正行為一方舉得失而對判之故云方行不出此十三云問此十三得失有教證耶若無明據誰信用之答正雜二行細判既是大師義立十三得失何必尋教證只是大師自解佛願妙德得二尊三經宗趣搜三佛同體大悲而釋成之獨步絕倫譽超師證定德二行得失二修勝劣豈有謬解乎故尺云余此比見聞諸方道俗解行不同專雜有異但以專意作者十即十生百即百生若欲捨專修雜業者百時希得一二千時希得三五比遺書放光之現文也然

礼讚

不信者汝疑煩惱甚耻甚耻但千福有子細徐使眼如眉毛是吾令口似鼻孔說云已上十三失畢於此下應言初尺世福次明戒福後辨行福上來雖有三福不同廣尺成雜行竟

伏見

光慶寺

